



Broj: 03-45-1-1481-1/21
Maglaj: 31.08.2021.godine

OPĆINSKO VIJEĆE

PREDMET: Informacija o stanju i funkcionisanju mjesnih zajednica
na području Općine Maglaj, dostavlja se,-

Na osnovu Plana i programa rada Općinskog vijeća Maglaj za 2021.godinu („Službene novine Općine Maglaj„ broj 2/21) planirana je i tačka „Analiza stanja i funkcionisanja mjesnih zajednica na teritoriji Općine Maglaj“. Obzirom na svu problematiku sa kojom smo se susretali u vezi izbora i imenovanja rukovodstva MZ-a, a koja je jednim dijelom izazvana i pojavom COVID-19, Općinskom Vijeću Maglaj, u cilju inforisanja o stanju i funkcionisanju mjesnih zajednica na općini Maglaj, kroz ovaj akt dostavljamo **Informaciju o stanju i funkcionisanju mjesnih zajednica na području Općine Maglaj.**

Rad mjesnih zajednica na području Općine Maglaj pored Zakona o principima lokalne samouprave FBiH („Službene novine FBiH“ broj 49/06), uređen je i Statutom Općine Maglaj („Službene novine Općine Maglaj“ broj 08/07, 03/08 i 06/08) kao i Odlukom o osnivanju-potvrđivanju mjesnih zajednica na području Općine Maglaj broj 02-05-1-630/19 od 28.03.2019.godine („Službene novine Općine Maglaj broj 3/19) kao i drugim pojedinačnim normativno pravnim aktima Općine Maglaj.

Radi hronološkog podsjećanja problematike sa kojima smo se suretali u radu i funkcionisanju MZ-a na području Općine Maglaj, krenut ćemo od Analiza o stanju i funkcionisanju mjesnih zajednica za 2018.godinu, koja je rađena na osnovu „Izvještaja o radu MZ-a za 2018.godinu“ i „Planova i programa rada mjesnih zajednica za 2019.godinu“, kao i kontakata sa predstavnicima mjesnih zajednica po ukazanim potrebama, te pojedinačnih razgovora prilikom realizacije određenih aktivnosti na teritoriji mjesnih zajednica, a Općinskom Vijeću Maglaj dostavljena je u vidu „Informacija o stanju i funkcionisanju MZ-a“ na sjednici Općinskog Vijeća od 15.08.2019.godine.

U navedenoj informaciji Općinsko Vijeće je upoznato da prije donošenja Zakona o principima lokalne samouprave FBiH i Statuta Općine Maglaj, jedina Odluka o osnivanju MZ na teritoriji Općine Maglaj je bila „Odluka o MZ na općini Maglaj od 09.03.1999.godine“(„Službene novine Općine Maglaj“ broj 2/99). Nakon donošenja Zakona FBiH i Statuta Općine, sa radom je nastavilo 20 MZ, gdje za pojedine MZ nismo mogli doći do Odluku o osnivanju istih, niti su iste objavljene u Službenim novinama Općine Maglaj, te se na osnovu toga sve MZ-e koje su nastavile sa radom i funkcionisale do marta 2019.godine, „Odlukom o osnivanju-potvrđivanju MZ na području općine Maglaj“ („Službene novine Općine Maglaj 03/19“) potvrdio njihov dalji rad i funkcionisanje.

Uzimajući u obzir činjenicu, da je bilo Zahtjeva mještana naseljenih mjesta Omerdino Polje, Stari grad (koje se nalaze u sastavu MZ Maglaj grad) i naseljenog mjesta Mladoševica (koji se

nalazi u sastavu MZ Novi Šeger) da se izdvoje iz svojih postojećih MZ-a i formiraju zasebnu MZ-u, kao i činjenicu da referendumima na kojima se odlučivalo o istom nisu uspjeli, odnosno nije bio dovoljan odziv građana, a zbog stalne problematike u radu odnosno neradu MZ Maglaj grad koja je prestala sa funkcionisanjem tokom 2014.godine, Općinsko Vijeće je u više navrata nastojalo razriješiti ovu problematiku i staviti u funkciju ne samo MZ-u Maglaj grad nego i ostale MZ-e koje su imale problematiku po raznom osnovu. Zbog toga je i formirana Radna grupa Odlukom Načelnika općine broj 01-49-1084/19 od 09.05.2018.godine koja je imala za cilj utvrđivanje problematike u radu i funkcionisanju MZ-a na teritoriji Općine Maglaj, te da dostave prijedloge mjera za njihovo rješavanje, i u vidu Informacije primljena k znanju na sjednici Općinskog vijeća održane dana 04.12.2018.godine kao Zaključak br. 12.

Predložene aktivnosti od strane Radne grupe su između ostalog bile i donošenje „Odluka o osnivanju-potvrđivanju mjesnih zajednica na području Općine Maglaj“, „Odluka o postupku registracije i načinu vođenja Registra mjesnih zajednica općine Maglaj“ kao i „Nacrta Statuta mjesnih zajednica“. Općinski načelnik je tada formirao stalnu komisiju za mjesne zajednice čiji zadatak je da stručno, tehnički i operativno pruža podršku Načelniku i nadležnoj općinskoj službi u implementaciji odredbi Odluke o osnivanju-potvrđivanju mjesne zajednice općine Maglaj, a nadležna služba Općine Maglaj kao i vijeće mjesne zajednice, odnosno imenovani povjerenici su zaduženi da prilikom pokretanja aktivnosti na utvrđivanju Statuta mjesne zajednice isti obavezno usklade sa odredbama donesenih u Odluci o osnivanju-potvrđivanju MZ-a.

Obzirom na navedeno, Služba je u koordinaciji sa formiranom komisijom Načelnika općine pokrenula procedure oko provođenja Javnih rasprava – Zborove građana po Nacrtu Statuta MZ-a, kao i izbor Vijeće MZ-a. Rok za realizaciju ovih aktivnosti bio je 31.08.2019.godine a Općinsko Vijeće će je trebalo biti Informisano o svim provedenim aktivnostima u MZ-a vezanih za Zaključke Općinskog Vijeća po setu usvojenih Odluka.

Kako je Odlukom Općinskog Vijeća za aktivnost oko usvajanja Statuta MZ-a, bila nadležna općinska Služba, ista je u koordinaciji sa Službom ON i OV pokrenula proceduru usvajanja Statuta MZ-a, koji se trebao završiti najkasnije do 31.08.2019.godine. Bila je pretpostavka da će MZ-e shvatiti ozbiljnost realizacije naloženih im aktivnosti, te da će se već na nekoj od narednih sjednica OV naći kao tačka dnevnog reda i Statuti MZ-a, što be u većoj mjeri doprinjeti realizaciji rada i funkcionisanja MZ-a.

Iz Izvještaja o radu MZ-a za 2018.godinu i Planovima i programima rada za 2019. godinu moglo se zaključiti da je najveća problematika sanacija i rekonstrukcija infrastrukture. Sanacija i rekonstrukcija putnih komunikacija, vodo snabdjevanje, rasvjeta, sanacija nastalih šteta od elementarnih nepogoda kao i sam rad i funkcionisanje MZ-a su stalna problematika u svim MZ-a. Takođe se u određenom broju MZ-a pored navedene problematike pojavljuje se i problem divljeg odlaganja smeća kao i prostorije za rad MZ-e. Samim tim navedena problematika iz Izvještaja je ujedno prikazana i kroz prijedloge u Planovima i programima rada za realizaciju u 2019.godini.

Nakon dostavljene „Informacije o provedenim aktivnostima po Nacrtu Statuta MZ-a“, Zaključkom Općinskog Vijeća Maglaj broj 02-05-1-623-5/19 od 28.03.2019.godine se zadužila Služba za boračko-invalidsku i socijalnu zaštitu, opću upravu i društvene djelatnosti, da provede Javnu raspravu u svim MZ-a po pitanju usvajanja Nacrta Statuta MZ-a na općini Maglaj. Samim tim, Služba je svim MZ-a uputila dopis sa usvojenim Odlukama o osnivanju-potvrđivanju MZ-a na području Općine Maglaj, Odluku o postupku registracije i načinu vođenja Registra MZ-a Općine Maglaj kao i Nacrt Statuta MZ-a, gdje su isti imali obavezu sprovesti Javnu raspravu po pitanju Nacrta Statuta MZ-a i o istom obavijestiti nadležnu službu.

Iako su tada sve MZ-e dobile navedena dokumenta samo je određeni broj MZ-a održao Zbor građana po pitanju Nacrta Statuta MZ-a i isti su dostavili svoje Zapisnike o održanom Zboru sa mišljenjima i prijedlozima u vezi navedenog Nacrta.

MZ-e koje su provele Zbor građana i koje su dostavile svoje Izvještaje sa prijedlozima izmjena i dopuna Nacrta Statuta MZ-a su bile: MZ Kosova, MZ Moševac, MZ Oručje, MZ Misurići, MZ Novi Šeher, MZ Kopice, MZ Ulišnjak i MZ Jablanica. Ostale MZ-e niti su izvjestile o mogućnostima ili nemogućnostima održavanja Zbora građana, niti su dostavile bilo kakve prijedloge što ukazuje na nemogućnost organizacije istog ili nezainteresovanost istih u vezi navedene problematike.

Nakon razmatrane Informacije o provdenim aktivnostima u Mjesnim zajednicama po pitanju Nacrta Statuta MZ-a, Općinsko Vijeće Maglaj je na sjednici u februaru 2020.godine donijelo „Odluku o raspisivanju izbora za članove Vijeća mjesnih zajednica na području Općine Maglaj“ (broj 02-04-1-40/20 od 20.02.2020.godine „Službene novine Općine Maglaj 2/20). Međutim, uzimajući u obzir da je već početkom mjeseca marta 2020.godine od strane svjetske zdravstvene organizacije proglašeno stanje Pandemije prouzrokovane pojavom COVID-19, Krizni štab Ministarstva zdravlja Federacije BiH i Štab CZ Federacije BiH donijeli su set Naredbi u cilju zaštite i sprečavanja pojave COVID-19, a neke od mjera koje su naložene nisu omogućavale masovno okupljanje i organizovanje bilo kakvih događaja koje sa sobom nose okupljanje stanovništva na jednom mjestu, pa samim tim ni organizovanje Zborova građana u MZ-a.

Iako je krajem maja 2020.godine, od strane svjetske zdravstvene organizacije, proglašen prestanak stanja pandemije, na teritoriji Federacije BiH proglašeno je stanje epidemije, te se donesenim mjerama od strane nadležnih štabova CZ FBiH i Ministarstva zdravlja FBiH i dalje nisu dozvoljavala masovna okupljanja, što je i dalje onemogućavalo održavanje Zborova građana po MZ-a. S tim u vezi, Općinsko Vijeće Maglaj je u cilju daljeg funkcionisanja i rada Mjesnih zajednica na području Općine Maglaj, u septembru mjesecu 2020.godine donijelo Odluku o imenovanju povjerenika MZ-a, kako bi se organizovao dalji rad i funkcionisanje MZ-a.

Mjere koje u i dalje bile na snazi, dovelo je do toga da je u 2021.godini Općinsko Vijeće Maglaj donijelo niz Odluke o izboru i imenovanju povjerenika MZ-a, i to na sjednicama Općinskog Vijeća održanim dana 03.02.2021.godine; 21.04. 2021.godine i 13.07.2021.godine.

U momentima kada su određene mjere okupljanja ublažene, došlo je do organizovanja Zbora građana radi izbora i imenovanja rukovodstva u MZ Misurići, Bijela Ploča, Jablanica i Bradići, ali zbog nedovoljno odazvanog broja građana, isti se nije mogao prihvatiti.

Radi boljeg uvida u potrebe za prisutvom građana za organizaciju Zbora građana, (a koji su određeni članom 18., stav 3. Odluke o osnivanju-potvrđivanju MZ-a) osvrnut ćemo se na broj lica koja imaju prava glasa po biračkim spiskovima CIK-a iz 2020.godine, sa ciljem preglednosti koliko ih ima pravo glasa a koliko ih izlazi na izbore uopšte, a pokazatelji koji dolaze sa terena koji se odnose na organizaciju Zborova građana po MZ-a ukazuju koliki je broj građana sa pravom glasa u radu i funkcionisanju MZ-a a koliko su isti zainteresovani za to.

MZ-a	Broj glasača	Izašlo na izbore
Maglaj grad (pokriva dio Maglaj grada, Stari grad i Omerdino polje)	842	446
	884	449
	563	283
	541	296

	806	373
	728	412
	401	204
	737	381
Ulišnjak (Straište, dio Krsnog Polja)	881	500
Bočinja (dio Bakotića)	423	138
Bijela Ploča	803	434
Jablanica (i G.Rakovac)	850	382
Liješnica (sa Tujnicom)	661+287	320+196
	630	320
Misurići	703	337
	686	324
Moševac	628	280
	621	261
Ravna (sa Oručama)	584	287
Novi Šeher (sa Mladoševicom i Strupinom)	480	310
	608	361
	394	307
Čobe-Kopice	459	311
Kopice	578	379
Brezove Dane – Domislica	625	331
Bradići	724	334
Kosova	956	454
	551	273
Radojčić	601	269

Potrebno je napomenuti da se tokom protekle godine pojavio i problem funkcionisanja žiro računa MZ-a, jer od strane MZ-a na vrijeme nisu realizovane aktivnosti oko dobijanja novih ID brijeva MZ-a, odnosno preregistracije u Statistici. Opštinska uprava Maglaj je u koordinaciji sa poreskom upravom Zenica i Statistikom Federacije BiH odsjek Zenica, uspjeli realizovati sve potrebne aktivnosti kako bi sve MZ-e na području Općine Maglaj dobile nove ID brojeve i riješile problematiku funkcionisanja žiro računa. Osim toga ovo je bio i jedan od uslova da se započne sa uvođenjem u Registar MZ-a koji do sada nikad nije bio uređen i uspostavljen, a kako bi se u potpunosti završio taj proces neophodno je da se izvrši izbor rukovodstva u MZ-a.

Na osnovu informacija i podataka sa kojima raspolažemo, ustanovljeno je da se osnovna problematika u radu MZ-a ogleda kroz to da:

- Nisu održani Zborovi građana na kojima bi se izvršio izbor i imenovanje rukovodstva MZ-a sa kojima bi MZ-a dalje funkcionisala u obavljanju svojih aktivnosti. Već duže vrijeme se imenuju povjerenici na mandat od 3 mjeseca i na kraju se sve svodi na rad samog povjerenika unutar MZ-a.
- Vijeća MZ-a (i kada se imenuju) se ne održavaju kontinuirano prvenstveno zbog nedostatka kvoruma za odlučivanje. Jednim dijelom je to uslovljeno zauzetošću članova vijeća svojim radnim ili egzistencionim obavezama ili terenskim poslovima članova Vijeća, a jednim dijelom zbog nezainteresovanosti izabranih članova Vijeća za rad u organima MZ-a.
- Rad članova Vijeća MZ-a je isključivo na volonterskoj osnovi što dodatno uslovljava angažovanje za rad u organima MZ-a.
- Nedostatak finansijskih sredstava kod mještana MZ-a za moguće učešće u realizacijama infrastrukturnih projekata od značaja za MZ-u, jer su većinom nezaposleni mještani ili penzioneri sa malim penzijama.
- Rad Vijeća MZ-a zahtjeva svakodnevnu angažovanost, upoznavanje sa problematikom u svim oblastima, nastojanje rješavanje nastalih problema i problematike koja se vuče

dugi niz godina a najvećim dijelom nilazi se na nerazumjevanje kod samih mještana u MZ-i.

- Nedovoljna zainteresovanost mještana u radu MZ-a što dovodi do uslovljenosti samog donošenja značajnih odluka i provođenja planskih aktivnosti. Tu je svakako i nedostatak i nezainteresovanost mladih za rad u MZ-a od kojih prije svega treba da dolaze ideje za aktivnije učešće mladih u radu i funkcionisanju na teritoriji na kojoj djeluju
- Nedostatak donatora koji bi radili sa MZ-a prije svega na realizaciji projekata od značaja za razvoj MZ-e pa i same edukacije kako članova Vijeća tako i mještana MZ-a u cilju bolje i veće angažovanosti na donošenju odluka i realizaciji istih.

Informacija nije i ne može ukazati na detaljnu problematiku o stanju MZ-a na teritoriji općine Maglaj. Za to je potrebna detaljnija analiza koju je u ovom momentu teško uraditi jer sem povjerenika MZ-e nema drugih lica koja bi mogla realizovati aktivnosti na dobijanju potrebnih informacija.


Uzimajući u obzir svu problematku u radu mjesnih zajednica, te problematike koja se pojavljuje i kod apliciranje za neke od projekata donatorske pomoći (jer isključivo traže MZ sa izabranim rukovodstvom) neophodno je u što kraćem roku organizovati Zborove građana u MZ-a u cilju izbora i imenovanja rukovodstva u MZ-a na području Općine Maglaj.

Na osnovu svega navedenog u ovoj Informaciji, a u cilju organizacije daljeg rada i funkcionisanja MZ-a, neophodno je da se:

- Općinsko Vijeće Maglaj donese Izmjenu člana 3. Odluku o raspisivanju izbora za članove Vijeća MZ-a na području Općine Maglaj (broj 02-04-1-40/20 od 20.02.2020.godine „Službene novine Općine Maglaj“ 2/20), u kojoj za organizovanje Zbora građana u svim MZ-a daje rok najkasnije do 30.10.2021.godine;

Obradivač:

Služba za boračko-invalidsku i socijalnu zaštitu,
opću upravu i društvene djelatnosti



NAČELNIK OPĆINE
Mirsad Mahmutagić

